

Kthim pergjigje Nr. 158, Wed 2/12/2020 3:13 PM

To: ornela.liperi@monitor.al;

Përshëndetje!

Në përgjigje të kërkesës tuaj dërguar elektronikisht në Drejtorinë e Përgjithshme të Tatimeve, në kuadër të Ligjit 119/2014 datë 18.09.2014 “Për të drejtën e informimit”, regjistruar me nr. 158 në regjistrin e Kërkesave dhe Përgjigjeve, pas shqyrtimit të kërkesës, e cila ishte në përputhje me nenin 11 të ligjit të sipërcituar, lidhur me shkallën tatimore, ju sqarojmë si vijon:

Në ligjin Nr.9632, datë 30.10.2006 “Për sistemin e taksave vendore”, i ndryshuar, neni 10 “Tatimi i thjeshtuar mbi fitimin për biznesin e vogël”, përcaktohet se, çdo subjekt, i cili kryen një biznes, me anë të të cilit realizohet gjatë vitit fiskal qarkullim më i vogël ose i barabartë me 8 000 000 (tetë milionë) lekë, i nënshtrohet detyrimit të pagesës së tatimit të thjeshtuar mbi fitimin për biznesin e vogël.

Pra, ligjvënësi me dispozitën e sipërcituar ka përcaktuar se çdo subjekt që realizon një qarkullim mbi tetë milionë kategorizohet si subjekt i Tatimit mbi Fitimin.

Lidhur me shkallën tatimore të tatim fitimit prej 15 për qind ju bëjmë me dije se, Ligji Nr.8438, datë 28.12.1998 “Për tatimin mbi të ardhurat”, i ndryshuar neni 28 “Shkalla tatimore”, përcakton se, shkalla e tatimit mbi fitimin është:

- 5 % për tatimpaguesit me të ardhura deri në 14 000 000 lekë në vit.
- 15 % për tatimpaguesit me të ardhura mbi 14 000 000 lekë në vit.

Pra, siç vihet re nga përcaktimi i mësipërm, pretendimi i subjekteve për pagesë prej 15 për qind të tatimit mbi fitimin për të ardhurat deri në 14 milionë nuk qëndron.

Në përfundim sqarojmë se, bazuar në dispozitat ligjore të sipërcituara pavarësisht kategorizimit të tatimpaguesve si subjekte të tatim fitimit, nëse të ardhurat e tyre janë deri në 14 milionë lekë në vit shkalla tatimore është 5 për qind.

Lidhur me procedurën e regjistrimit ju sqarojmë si vijon:

Ligji Nr.9920/2008 “Për procedurat tatimore në Republikën e Shqipërisë”, i ndryshuar, neni 43 “Përditësimi i të dhënave të regjistrimit”, përcakton se, *tatimpaguesi, statusi i të cilit ndryshon nga një kategori në tjetrën, sipas parashikimeve në ligjet e veçanta tatimore, duhet të njoftojë administratën tatimore përkatëse, brenda 15 ditëve kalendarike nga data e regjistrimit të ndryshimit. Kur një ndryshim i tillë i statusit diktohet nga një kontroll, i kryer nga administrata tatimore, qëndrore ose vendore, administrata që kryen kontrollin njofton administratën tjetër, brenda 10 ditëve kalendarike pas këtij ndryshimi.*

Në kuptim të dispozitës së sipërcituar kategorizimi/ndryshimi i përgjegjësisë tatimore duhet të kërkohej nga vetë tatimpaguesi kur kalon qarkullimin prej 8 milionë lekë. Nëse kjo, pra,

realizimi i një qarkullimi mbi 8 milionë lekë konstatohet nga administrata tatimore strukturat përgjegjëse kryejnë regjistrimin e ndryshimeve përkatëse dhe njëkohësisht njoftojnë tatimpaguesin lidhur me këto ndryshime.

Për sa më sipër, numri i bizneseve të vogla që janë kategorizuar si i madh për vitin 2019 është 1835.

Faleminderit për mirëkuptimin.

Kthim pergjigje Nr. 158, Thu 2/20/2020 2:13 PM

To: Ornela Liperi <ornela.liperi@monitor.al>;

...

Përshëndetje!

Në vijim të kërkesës tuaj, sqarojmë si më poshtë vijon:

Ligji Nr.9632, datë 30.10.2006 “Për sistemin e taksave vendore” i ndryshuar, në nenin 10 tatimi i thjeshtuar mbi fitimin për biznesin e vogël, përcakton se: çdo subjekt, i cili kryen një biznes, me anë të të cilit realizohet gjatë vitit fiskal qarkullim më i vogël ose i barabartë me 8 000 000 (tetë milionë) lekë, i nënshtrohet detyrimit të pagesës së tatimit të thjeshtuar mbi fitimin për biznesin e vogël.

Sipas Udhëzimit nr.5, datë 30.01.2006 “Për tatimin mbi të ardhurat”, i ndryshuar, të ardhurat e nga ushtrimi i aktivitetit tregtar taten vetëm sipas ligjit Nr. 8438, datë 28.12.1998 “Për tatimin mbi të ardhurat në Republikën e Shqipërisë”, i ndryshuar, kreut III “Tatimi mbi fitimin” në rastin e subjekteve me xhiro mbi 8 milionë lekë në vit.

Theksojmë se, referuar ligjit Nr. 8438, datë 28.12.1998 “Për tatimin mbi të ardhurat në Republikën e Shqipërisë”, i ndryshuar, neni 28, shkalla e tatimit mbi fitimin është:

a.5% për tatimpaguesit me të ardhura deri më 14 000 000 lekë në vit;

b.15% për tatimpaguesit me të ardhura mbi 14 000 000 lekë në vit.

Bazuar në përcaktimin ligjor, shkallët tatimore sipas të ardhurave të mësipërme, janë të zbatueshme për tatimpaguesit me përgjegjësi tatimore të Tatimit mbi Fitimin.

Faleminderit